

ओं श्री गणेशाय नमः
 रूपभवानी जन्म चरितम्)



लेखक :—

ल कंठ भट्ट (दिल्लर) वोन्दहामी

शोधक :—

श्री सर्वानन्द जाडू शास्त्री

श्री अलखेश्वरी साहिवा ट्रस्ट द्वारा प्रकाशित ।

सर्वाधिकार सुरक्षित





मैंने श्री नील कंठ दिलबर वोन्द हामी की कवि
कल्पणा युक्त रूप भुवानी चरित्र लीलाओं का पूरा पूरा
अध्ययन किया वास्तव में दिलबर जी ने सम्पूर्ण कवित्व युक्त
रचना करके सहृदय भक्तों के हृदय का अन्धकार दूर कर
के उस में ज्ञान प्रकाश का सूर्य उजागर किया है सुन्दर
छन्द योजना रस माधुर्य और प्रभावोत्पादकता देखते ही बनती
है सच पूछो यह लीला संग्रह पारस पत्थर है। मुझे आशा
है कि दिलबर जी आगे भी अपनी एक से एक बडकर
कविताओं से भक्त जनों के मन को आनन्द देते रहेंगे।

श्री नील कंठ शर्मा
भूषण काश्मीरी
निवासी : डब अकोरा।

ॐ नमो भगवते वासुदेवाय ॥
एतद्भक्त्यैक्यं भगवत्पदं ॥
नमो भगवते वासुदेवाय ॥
नमो भगवते वासुदेवाय ॥
नमो भगवते वासुदेवाय ॥
नमो भगवते वासुदेवाय ॥
नमो भगवते वासुदेवाय ॥
नमो भगवते वासुदेवाय ॥
नमो भगवते वासुदेवाय ॥
नमो भगवते वासुदेवाय ॥

ॐ नमो भगवते वासुदेवाय ॥
नमो भगवते वासुदेवाय ॥
नमो भगवते वासुदेवाय ॥

ओं श्री गणेशाय नमः

(निवेदन)

श्री अलखसाहिबा के रूप में भगवती जगदम्बा जी के अवतार धारण की लीला को कश्मीरी कविता में लिपिवद्ध करने का अवसर मुझे न जाने किस जन्म के पुण्यों का फल स्वरूप मिला है। ऐसी महान् शक्ति का वर्णन करना मुझे जैसे अकिञ्चन के लिए असंभव था। पर जगदम्बा की कृपा से मुझे कुछ ऐसे महापुरुषों की सेवा करने का अवसर मिला जिनके प्रेम सहानुभूति और ज्ञान ने मुझे इतनी शक्ति एवं प्रकाश दिया कि आज मैं आपकी सेवा में इसे उपस्थित कर सकता हूँ। मैं श्री भूषण कश्मीरी डब ओकरा निवासी, ज्योतिष सर्वानन्द जी जाडू, नई सड़क गुण्डि अहलमर, श्री नय नवाज कश्मीरी भान मुहल्ला श्री निरंजन नाथ, इन्द्र निवासी तहसील पुलवामा, ऊषा जी जाडू स्वर्ण पदक प्राप्त संस्कृत एम० ए० गुण्डि अहलमर और श्री माखन लाल जी दर (अवकाश प्राप्त अस्सिस्टेंट मेनेजर) का आभारी हूँ जिन्होंने भिन्न-भिन्न सहायताओं से मेरा उत्साह बढ़ाया। मैं आशा करता हूँ कि सभी जगदम्बा के भक्त इस लीला ग्रंथ को अपना कर अपने प्रेम का प्रमाण देगे।

प्रार्थी
श्री नीलकंठ भट्ट दिलबर
वोन्दहामी।

(क)

ओं श्री गणेशाय नमो नमः

पास कर दासस कासतं खारी

महा गणेश बोज म्यानि जारिये
आदि देव पादि कमलन लगै पारी । महा ..

1 अथ छुन नयथ नोन सारि ट्रास ओन

त्राव प्रकाश नोन लम्बोदरय
गत आम कत्याह म्य वत सारि-सारी । महा...

2 बाल चन्द्र भावपोश लागय चारि चारी

पाप शाफ गालतम सारिये
अनुग्रह करतम छुख चू हितकारी । महा ..

3 गजमुख एकदन्त करतम यारी

मुक्लावतम तरकः नारिये
जखमन म्यानि त्राव बुलगरी । महा ..

4 काम क्रोध लूभ मूह सम्बरिथ म्य सारी

करिहम बदनस चारीये
कम-कम गय यिमत निश हारि हरीये
महागणेश बोज म्यानि जारिये । महा...

5 थोद छु च्योन दरबार मुचराव तारी

आस वुन छुख कल्याण कारिये
वलभा सहित भास तम चुवा पारी । महा...

(ख)

- 6 सत्गुर वथ मि हाव वन्दय प्राण सारी
पूजायि दिमम्ये अन वारिए
वातान चि निश छि निथ खुर ननवारी । महा...
- 7 पान पुश रोवथ च्यारि तय फ्यारी
कास तम मि अज्ञान कारीये
अस्थिर संसार बायि बन्ध तू नारी । महा...
- 8 तारदित दिलबरस नार छुस जारी
वन्य दिवान लारि तै दारिये
दर्शुन म्य हावतम गणपत यारी
महा गणेश बोज़ म्यानि जारिये ।
-

ओं श्री गणेशाय नमो नमः

पास कर दासस कासतं खारी

महा गणेश बोज म्यानि जारिये

आदि देव पादि कमलन लगै पारी ।

महा .

1 अथ छुन नयथ नोन सारि ट्रास ओन

त्राव प्रकाश नोन लम्बोदरय

गत आम कत्याह म्य वत सारि-सारी ।

महा...

2 बाल चन्द्र भावपोश लागय चारि चारी

पाप शाफ गालतम सारिये

अनुग्रह करतम छुख चू हितकारी ।

महा ..

3 गजमुख एकदन्त करतम यारी

मुक्लावतम नरकः तारिये

जखमन म्यानि त्राव बुलगरी ।

महा ..

4 काम क्रोध लूभ मूह सम्बरिथ म्य सारी

करिहम बदनस चारीये

कम-कम गय यिमन निश हारि हरीये

महागणेश बोज म्यानि जारिये । महा...

5 थोद छु च्योन दरवार मुचराव तारी

आस वुन छख कल्याण कारिये

वलभा सहित भास तम चुवा पारी ।

महा...

(ख)

6 सत्गुर वथ मि हाव वन्दय प्राण सारी
पूजायि दिमम्ये अन वारिए
वातान चि निश छि निथ खुर ननवारी । महा...

7 पान पुश रोवथ च्यारि तय प्यारी
कास तम मि अज्ञान कारीये
अस्थिर संसार वायि बन्ध तू नारी । महा...

8 तारदित दिलवरस नार छुस जारी
वन्य दिवान लारि तै दारिये
दर्शुन म्य हावतम गणपत यारी
महा गणेश बोझ म्यानि जारिये ।

ॐ
श्री अलखेश्वरी साहिबा
की

मुख्तसर सवानी उमरी

लीला न० 1

“जन्म”

ही अलख इश्वरी रूपभवानी

माज्य बोज बयन्तीय सभनिये

घटि मन्ज गाश हाव आशा छि च्यानि

माज्य बोज.....

1 क्याह कर तोथ चअनि कति अन वअन्य
जान दिम छुस बज अज्ञयनिये
नेरवान प्रावहा चाने जअनिय । माज्य.....

2 चअनि तोथ करनम छुस मन्दछअनि
बोद्ध छमन केहति वातअनिये
ब्रह्मादियक दीव कलि छि सपदअनिय । माज्य.....

- 3 चाअनि कृपा कटाक्ष सअत्य अनजुन्य
सपनान छि महा ग्यानिये
संसारस मन्ज तस काह न सअन्य । माज्य.....
- 4 शारिका अवतार छख चअ आसबन्निय
भक्तियन मनि भासवअनिये
दास भाव पननुय दितम छुस मंगनिय । माज्य.....
- 5 भवसागरस मन्ज छुस वअ ईरानी
पाद चानि नाव छय म्यनिये
सोखसान भक्तियन तिमय तारअनि । माज्य.....
- 6 जलजल हलकर मुशकिल म्यानीय
ज्वर कास कर मेहर बानिये
आरि त्यन आयख दोहय रछानी माज्य.....
- 7 दासस तल बो दास नाद लायानी
शरनन छख च टोठा - नीये
वर मुचरावतं माजि छस बो थारानी माज्य
- 8 योगियन चू मनि माजि वनियिवानी
अनिमाबिक छि प्रावानिये
त्यारः तिम छि संसार निश रोजानी माज्य.....
- 9 च्यानि गाश सूत्य चन्द्रम शोलानी
च्यानि तीज सूर्य चमका नीये
रेह चूय अगनस छख प्रजलानी माज्य.....

- 10 पोरशस चेतना चूय आसानी
बल पवनस चू शोभ अनीये
शीतजार पानिस चूय शरवानी माज्य
- 11 आरित्यन आरचर छख चू बोजानी
दुखनिश मुकला वानिये
परम सुख च्यानि अनुग्रह प्रावानी माज्य.....
- 12 पाप शाप संताप छख चू कासानी
तसयस प्रसन्न चू रोजानिये
नारस गुलजार छख बना वानी माज्य.....
- 13 भय लूभ शूक दुख दूर चूय करानी
विघ्न छख चूय हारनीये
दुर्गा रूप दुर्गत निवा रानी माज्य
- 14 अमृत वाणी च्यानि लासानी
योगीश्वर छु जाननिये
नाना युग तथ मंज चू वख नानी माज्य
- 15 अजर अमर छख चू मोजि भवानी
छुस कृपा च्यानि कांछानिये
पाद च्यानि रोजहा निथ स्मरानी माज्य.....
- 16 माजि तोष दिल भरस सथ छस च्यानी
बोज अमि सूंज शुरि वानीये
माजि दुध शुरि संज फिकिर रोजानी । माज्य.....

लीला न० 2

पूरव प्रकट्यव रव दूर गव अन्धकार

शारिकायि दोर अबतार

हरषस अन्दर गव सोर्य संसार ।

शारिकायि...

1 सन्तन ब्रह्मणन भट्न योगियन हन्ज

जयन जाय कशीर मरिय मन्ज

जल तय वायु यति छुय खोशगवार ।

शारिकायि...

2 घर खानदानुक यथ कशीरि अन्दर

ओस पंडित माधव घर

शौद ओस तमिसुन्द आचार व्यचार ।

शारिकायि ..

3 यूगिश्वर तय व्यय ग्यान्वान ओस,

व्यय सुय विद्यावान ओस

रुतिय गोण कत्याह तस हन्द कर इजहार ।

शारिकायि...

4 भक्ति ओस व्ययि जगत अम्भाय हुन्द

दीवी शारिकायि हुन्द

कपट रोस सोरय करान ओस व्यवहार ।

शारिकायि ..

5 दरगुनकरुन ओस दीविय हुन्द यछान

निहथ ओस परबत गछान

तस कुन तन मन थविथ वखनान जार ।

शारिकायि...

6 प्रक्रम करान ओस शोद्ध भावनाय सान

दारि ओश ओस हारान

दीवी हुन्द नाव सुमरान बार-बार । शारिकायि .

7 इय करान तस यलि गव वारिया काल

दीवी गयस खोश हाल

दीवी आगन सपनिस नमूदार । शारिकायि...

8 राच हन्जि घटि मन्ज प्रेकाश फहल्यव

सोरय अनि घोट दूर गव

जगत अम्बा अस शेरस त्यठ सवार । शारिकायि ..

9 प्रसन्द मोख अस असन सोआ माता

भवितन अभय दाता

माधव धरस सअत्य करनि लजि गुफतार । शारिकायि...

10 दोपनस भवतिय पज छय च्य भ्यन्य

आयम दया म्य च्यन्य

दरशुन होमय पननुय च्य यखबार । शारिकायि...

11 मन थव साविधान वन च्य बेदरंग

क्याह गछिय बुनिवथन च्य मंग

इय च्य मंगख तथ म्योन छुय इकसार । शारिकायि ..

12 माधव धरन यलि अनि घटि अन्दर

प्रेकाश डियूठुन जबर

शारिका सपज्जअस पान साक्षात्कार । शारिकायि...

13 अन्तः करणन हुरषा पदेअ गोस

इडववथ सुय परन प्योस

रूम खर सपनिस अशिसय लजिस धार । शारिकायि...

14 वदान त गित्य गछान करनस तमि तीता
खोश गयस जगत अम्बा
दोपनस क्याह गछि जल कर इजहार । शारिकायि...

15 तम्य दोपुस अभिलापयिछुम मनसपूर
म्यानी बनत चूय कूर
यिहै छम कामना म्यय तिश जन्मदार । शारिकायि...

16 शारिकाय शेरस प्यठ अथ थुवनस
तथास्तु पान कुरनस
अन्त ध्यान गयि बोज वार कन दार । शारिकायि...

17 माधव धरन अद वारयाह बोर च्याव
प्रकृम करिथ घर आव
तम्य अमा कांसिनिश खूलुन असरार । शारिकायि...

18 शारिकायि हन्दि अनुग्रह सूति बोज सथ
अती प्यठ गयि नव ऋथ
माधव धरनि धरि दीवी कुर प्रकचार । शारिकायि...

19 राच ! होन्द घुट यलि वारवार गव दूर
सूर्य पूरि कन्य खोत पूर
जर जर खुश गव घर होन्द परिवार । शारिकायि...

20 कांसि कांसि शूक बोर हायि क्यजि जायकूर
ब्रभ फांसि हटीस गय पूर

मूर्खन माखबर कमयि करि रूति कार । शारिकायि ..

21 खोश ओस कोताह पण्डित माधव घर
तस आस सीरुचि खबर
मनि मंज्य दीविय वनान ओस विलज्जार । शारिकायि...

22 कांसि माखबर आस पान अयि शारिका
युस जगतुच्य छि अम्बा
करि पानै पनन्यन भक्तिन उधार । शारिकायि...

23 माछख खबर यिहय छि त्रिपोर सुंदरी
यिहय मा छि अलख ईश्वरी
अमि सूंज भक्ति किन्य भवसर लगि तार० शारिकायि...

24 दरखानदानुक यिहै खारि रथि नाव
शारिकायि हुन्द वनिस भाव
जीव दीव सारी करनस नमस्कार । शारिकायि...

25 तीजवान कन्यायि कूत कुरहस भाव
रुफ अद थोव हस नाव
कुन्दन सपन्यरुफ तिथि करिन व्यवहोर । शारिकायि...

26 दिलबरस अनुग्रह करितनयि माता
छययि त्राता तू घादा
शूकन दुरषन रुगत करान संहार । शारिकायि.

लोला न० 3

माधव दरने हितुथ ओतार

रूपस च्यानिस जय जय कार०

माता छख चूय धमूच्य सार०

रूप० ..

1 सन्न ओस शुराशयत सतसतथ (1677)

विक्रमी व्यय ओस ज्येठुन रिथ

पूर्णमा तिथ आस स्यठा शोभिदार ।

रूप० ...

2 जगतस सारिसूय प्रजल्यव नूर

गाश आव पूर तें घट गयि दूर

खोश गव सोरुय घर परि वार

रूप० ..

3 जायि रूपीठ अख कुमारी

दगुन करनि आय नरत नारी

शारिका पान सांपून्य नमूदार ।

रूप० ..

4 सुन्दर रूपीठ कन्या ज्ञान

हंसायि आशनाव लोल बःगरान

करने आमूच्य रुति रुति कार

रूप० ..

5 अज्ञान किन्य कम्य जोन माता

जगि हंज छख अन्न धन दाता

जगत अम्बा गयरन साक्षपात् कार ।

रूप० ..

6 माजी कूत्य ग्यव च्यानी गुण

रुफ च्योन नाव छख कुन्द सुन

सुनस ति मुक्त सपुन यख बार ।

ह०...

7 शारिका नावस लगय पारी

छबना चू सानी माजि हारी

आशाछि भक्ति केछा यार ।

ह०...

8 प्रारान अस्य यति च्यानि डेडि तल

माता मुशकिल सानि करतु हल

कठिने भवसर दित असि तार ।

ह०...

9 वुन्द हाम्य दिलबर रठि थूय पाद

माता करत उन्य मन म्योन शाध

असलूच्य वथहाव छुसबु नाबकार ।

ह०...

लीला न० 4

बाल अवस्था

दयद मर आस वन्य मालिन चान्य
 माता रूप भवानिये
 मज्य बोज तय म्यन शूरिय वअन्य
 माता रूप भवानिये ।

- 1 रोशतम मत मज्य बोज जार म्यन्य
 ज्ञान दितम छुस वअ अग्यनिये
 गुण चन्य ग्यवहा छुस न घरनिय । माता ..
- 2 व्यय अपारि सन्था ओस वसन्य
 ग्यान वान तप सादनिये
 नेथ माधव घर ओस तस निश गछनी । माता...
- 3 प्रथ दोह शामन सथ संग करनीय
 चीर ओस घर वातनिये
 सन्थ जी अमिस प्यठ खोश छु सपदनी । माता...
- 4 माधव घरस यलि आय परिजनी
 सन्थस छु लोल वगरनिये
 उपदेश बूज बूज खोश सपदनी । माता...
- 5 अकि दोह शिवर त्रीय छि आसनीय
 सन्थस निश माधव गछनिये

- सत संग करिथिय यलि छु मोकलनी । माता...
- 6 पंडितस घर कुन ख्याल पयवनी
नेर वन्य चेर छुम गछनिये
सन्धन वोनस क्याह च सोचनी । माता...
- 7 गुलि गन्डिथ माधव ओतर दिवनी
अज शिवरत्रीय छ सनिये
घरि आस्यम ब्रह्मण म्य प्रारानी । माता...
- 8 सन्धन वोनस बोज कथ म्यानी
पूजा कमिस छियव करनिये
बयि वनतम तति क्याह छु आसनीय । माता...
- 9 माधव घर छुस पूर पठि वननी
नटिस मन्ज छि ठूनीय थावनिये
बाकि चीज तीतबयय आसनीय । माता...
- 10 सन्धन दोपनस बूजम कथ चानी
कोठिरि बर मुचर दवनिये
माधव घर छु दरवाजअ मुचरनीय । माता...
- 11 अति वुछुन प्रकाश यच चमकनी
हर तरफ नूर बरसनिये
शिव-पार्वती साक्षात भासनीय । माता...
- 12 बरा बर तिथुय युथयि दोह असिकरनी
शिव परिवार छ पूजनिये

- सम्पूरण वटक राजअ तीत वुछनीय । माता...
- 13 साक्षात दुशुन तस छु बननीय
मनस छुस हरथ यिवनिये
गुलि गन्डिथ प्यथ परण शरण सपदनीय । माता ..
- 14 कियूच काल अतिथय छुय ठहरनी
सन्थ छुस आलव दिबनिये
बोल नेर चेर मा छुय सपदनीय । माता ..
- 15 दोपनस गच्छ घर तिम छ प्रारानी
चानि पूछि छख परे शनिये
कदल किन्य गछनस चेर छुय गछनीय । माता ..
- 16 दिचनस पनिन रवाव नेर दबनी
घर सबब रवोरन लागनिये
वयतस ताय तोर अद पानी प्यठ पकनीय । माता...
- 17 बय छुस सन्थ जी तेल थाल दिवनी
सति तार चारिय यथ भवनिये
माघव घर छु यलि छु घर वातनीय । माता...
- 18 रूफ आयस वुधि बब-2 करनी
तेल थाल कोन छुख दिबनिये
साफ कर जर-जर रोज चारनीय । माता...
- 19 माघव घरस आय स्यठा हरानी
त्र वरिश कन्या छ म्यनिये

अमि कति म्यान् मनचिं यि कथ जनीय । माता...

20 अखर आयस कथ याद प्रणी
म्यानि धरि छ शारिका भवनिये
छोप दोप करिथ तेल थाल छुस दिवनीय । माता...

21 लोल चानि वोन्द हयम छुय वननी
सन्तोष्ट रोजतम भवनिये
दोह खोत दोह छुस लोल गननीय माता रूप भवनीय ।

लीला न० 5

केह समय मंजू गव क्या सपुन हाल

दोह अकि रुपगयि भाता माल—०

सीवक ओसूस नाःली नाल—०

1 सीवकन रुफ तुज्य अट भारि

माता माल आसिस रुन्य वारि

नानि बुडि बबसून्द ओसूस साल । दो...

2 सीवक ब्राह्मण ओसूय जान

निथ पान रुपभवनि वन्दान

वतिप्योस ऋषिपीर साबुन खयाल । दो...

- 3 पीर पंडितुन चाव कोरनस प्रणाम
रुफ लजिस छेडनि रवाविसूत्यताम
पीरपण्डित बादशाह ति ओम पुर कमाल । दो...
- 4 ऋषि पीर यिवुछिय क्रोधीगव
डांटनि लगूस फोरियस ज्यव
क्रक दी दी फुजीस ज्यव तै ताल । दो...
- 5 रुपि करनस श्रुरिभाव नजराह
ज्ञान दृष्टि वोन नस पजराह
पीर सावस अद क्या बन्योव हाल । दो ..
- 6 म्यखबर ऋषि सूंज साधना छि पूर
ओह नाजन गयस जन प्योस चूर
सीवकस वोनून दिथ ययि डाल० । दो ..
- 7 सीवकस सूत्यद्वायि त्रावून रव
पीर पण्डित बादशाह हेरान गव
मगर रुफ वाच्य मूच आस नान हाल । दो ..
- 8 आश्चर ऋषि पीर सावन ख्यव
मोसूम कोरि युथ ज्ञान वुपदिव
वेचारमस मंज प्यव यच काल । दो...
- 9 वोन्द हाम्य दिलभर छूय वनान जार
जगतस सान दितं भवसरतार
माता पाप शाप सानी गाल । दो...

लीला न० 6

विवाह

कूर आस दरन हंज कथ याद थाव

सफूरि खानदानूच्य नुश प्योस नाव

भवनि ओस कोता शीतल स्वभाव । सफूरि ... 8

1 सत वरीष आस रूपीठ कुमारी

विवाहच्य कथ बात गये जारी

रूपि होन्द मोल माज्य फिकरन चाव । सफूरि ... 9

2 तमि वक्त अथ केंह ओस न इलज

लोकच्यन विवाह करनुक रिवाज

अमीर आसिहे या गरीब कनथाव । सफूरि... 10

3 आखू 2 हबकदलः सफूरि यारय

विवाह कोर हस वार कारय

सफूरि खानदान स नोव बहार आव । सफूरि... 11

4 महाराज ओस हीरान्द जान

निशबुध कर्महीन ओसूस अज्ञान

सफूरि साहिबजाद भाग्यवान द्राव । सफूरि ... 12

5 माता सांपकुज आस कूच हजि

हशितोन नुशिसूत्य करनि लजि

शकलि किन्य सो आस जान अकलि हुन्द अभाव । सफूरि...

- 6 डान्टूनि लज्य नुश सूत्य भरपूर
छम खबर छड बडिन दरन हंज कूर
उछत उन्य सोरुय तमना मि द्राव । सफूरि...
- 7 वजमूच आस सुय तृणाये
वजि मच्य लीभचि ममताये
अपजिक ओसूय तस चिक चाव । सफूरि...
- 8 रुपि जाह वोन नसनू ओम तै जोम
छुपदप करिथ करान आसूय काम
कामि कारस मं उडवुन वाव । सफूरि ..
- 9 तोति हश आड जाड आसूस करान
पननिस पानस असूय फरान
कावसून्दि पाठि आस करान टाव टाव । सफूरि...
- 10 नुशि हन्दि यिन सूति टोट्योख दय
तोति मा जोनूख यि शारि का छय
हश हःजि नुशि ओस शीतल स्वभाव । सफूरि ..
- 11 कसखबर शारिकायि दोर ओतार
जियाद बेखर वारिव परिवार
वारवार माधव दरस करान ग्राव । सफूरि...
- 12 वन्द हामि दिलबरो वारथव होश
रूप भवानि लाग भावूकि पोश
वाज वाय दिलकूय माजिगीत गाव । सफूरि...

लीला न० 7

दरन ओस बोड दोह याद पियख कूर

रूपि वोतः मालिनि खिर दीच पूर
नोकरस लदुख दीचि ओस क्याह दूर।

रू...

1 नोकर यलि वोत खिर दीचि ह्यथ

रूपि हंजि हशि नोकर छुन्योव ह्यथ
दोपनस कम छुम थवख न मंजूर।

रू...

2 वातिम यि खिर कूचन जायन

दिम क्या बान्धवन तू हमसायन
दोनिया कोनमा जोनुख दूर।

रू...

3 खिर छुम कम वोन्य बागराव कस

मालिनि बाड छम जाजिनम वस
बाकय थवनस तुल नी लूर।

रू...

4 नोकरस निश बारव दितिन तीति

हमसाय आशनाव छिम वनय कृत्य
तस शोठि कोर हम बदनस सूर।

रू ..

5 रूपि गुलि गंडिनस त वनिनस जार

माता वात्या करून यि गुफतार
खिर दीचि सोजू हय करूख कुस चूर।

रू...

6 दोपनस बगराव यूत बःगरख

हंग मंग लागान छक चू माज्य कख
छस वनान कम छुम कूत तमि वूर ।

7 दोपनस माता कथ थव याद
यूत बगरख त्यूत बनि नागराद
सूत्य सूत्य ठान थाव यिन थवख दूर ।

8 हसद सूत्य हशि बःगरुस ज्यादय
तोति गोस नुशि होंद पुर वादय
नहाक लूकन दिथ खिर नस सूर ।

9 अथ दी चस मंज जन छु दयीव
सांप कुचि बःगरान हैरथ आव
मुतूस ह्योतनय पानस खिर दूर ।

10 डकन थोवुन बुन अद खिर गँब गव
रुपि हंजि हशि गुड़ खिर दूर ख्यव
ख्यथ च्यथ सारिनूय फुलख जन नूर ।

11 त्यूत बागरिथ तस क्रोध गव न कम
बागरान बागरान आस यच भ्रम
हजि रस मंज आस स्यठा मैशूर ।

12 नुशि दोपुन यति कुस छुय नोकर
दीचि वातनावी दिदमर अंदर
आसि हे नजदीख छु स्यठा दूर ।

13 मालिन्य च्यानि दर जन छि राजय

दीचि नीयख तोर वुन्य यम राजय
दीचस करिथूय थवख चूर चूर । रु...

14 मांजून दीचि वोल् रूपि यार बल
दारिथ दितून गछवा चू नोव कदल
वितस्ताय खुनि मंज रूट जन शूर । रु...

15 रूपि वोन् दीचस नेर यख दम
उन्य माधव धरून कुन चूय लम
व्यथि प्यठ सन्ध्याय सूत्य सु छू मसरूर । रु...

16 वातान दीच वोत दिदमर अंदर
यति बन्योमुत छू रूप भवानि हुन्द मन्दर
दी चन जन वोय पान हमत खूर । रु...

17 माधव दरन वुछ थप दिचनस
दीचि पर्जनोवुन आस पूर ह्यस
खिर मा कम गोम छूम टाठ कर । रु...

18 यिबूज्जिथ सारी गय हैरान
माधव दर ओस पूर जानान
अष्टादश बुजी होन्द छू जहूर । रु

19 वोन्द हाम्य दिल बरो माजि वन जार
मण्डली हिथ मंगूस भवसर तार
आव बुजर नजदीख लुकचारमि सूर । रु

लीला न० 8

रूपि हिन्द चमत्कार कुस न जाने
 वारिव्यन शोभ दोह ओस भवानये
 दोष धख बोड़ दोह छु कोरि साने
 वारिव्यन शोभ दोह ओस भवाने ।

1 मालिन्युक ब्रह्मण वारिव आस
 नेमन्त्रण ओसुस त धर सुय चास
 दोपनस कुरिय आस लोल चाने । वरि...

2 वेद शास्त्र सु केह ओस न जानान
 वकय ब्रह्मणव कोरुस अवमान
 नेर अक्षर ओस वेद क्याह जाने । वरि...

3 थोद वोथ न्यबर द्राव शरमन्द गव
 कथ छस न फोरान पूर व्यसरयव
 छु वनान ओस क्याह म्य कर्म लाने । वरि...

4 भवनीय आस पनिष गमच थार बल
 तोर आय ब्रह्मण वुछुन डेढि तल
 दोपनस कोत गछख क्याह छु माने । वरि...

5 क्याह वनंय कूरि हयस व्यस रियोस
 ओसहम सारिव्य शरमन्द गोस
 अवमान सपदुम धरि चाने । वरि...

- 6 नखस प्यठ भवानी ओस जल नोट पूर
दोपनस कड पलव छसय ब चंनि कूर
श्राना कोरनस शोद्ध वाने । वरि...
- 7 श्रान कोरनस भवानी ज्ञान वोपद्रयोस
अन्त रोस वेद तय शास्त्र वुजियोस
सग जन लगुस अमृत वाने । वरि...
- 8 दोपनस भवानी अछ बेह सभयि मंज
हिछ नावुख वेद कर तम्युक संज
कुस वनान वेद ब्राह्मण न जाने । वरि...
- 9 ब्राह्मण अदर चाव पखन वेद फर फर
वाकय ब्राह्मणन वछ थर थर
माफी मंगान गलती प्राणे । वरि...
- 10 जयकार कुरहस कुस करि रेस
सारी थोद बोथितूय परण पेस
आदर प्रावोन कटाक्षि चाने । वरि...
- 11 निराशन छख माजि दिवान आश
ना उमेदन छख अनान घदि गाश
दिल बरन छख थवान रानि ठानि । वरि..
-

लीला न० 9

गछ शरन तन मन आलवूस पान

रूप मुवानि आस पननी जान

अर्पण करूस वार मन तै प्राण ।

रु ..

1 मुवानि आस पर्वत निथ गछानी

प्रकरम करिथ घर वातानी

अनिघटि यिवान तोर कांह न डेशान ।

रु ..

2 अकि दोह हशि उछूस आश्चर्य पूर

रूप खसान सूहम प्यठ गछान धरि दूर

गोस बद जुन गयि यच परेशान ।

रु...

3 बननि लजि हीरा नन्द सूय बोज

पुत्रो क्याह उछान छस बू शब रोज

डान छा यि डागिन्य राथ क्योत चलान ।

रु ..

4 न्यचिविस बननि लजि ओरुक योर

वार गोछ हम रोजुन बू छुख च्योर

रात क्योत गैब कोत छै यि गछान ।

रु ..

5 दुयिमि दोह हीरानन्द हुशार रूद

दारि किन्य उछून प्रकाश गोमुत बूद

दरवाजस प्यठ सूह प्रारान ।

रु...

6 पादर सूह उछून करान इन्तिजार

- तान्य दीवी सपन्य सूहस प्याठ सवार
मस परेशान प्रसन्न मुख उछून असान । रु...
- 7 पर्वत कुन यलियि भुवानी
हीरा नन्द छुस पत् दवानी
हिमथा करिथूय छु घरि नेरान । रु...
- 8 वातान भुवान्य वाच सूहस प्यठ सवार
काली नजदीख साहिबी चिनार
भर्ता पत पत ओसूस दवान । रु...
- 9 हीरा नन्द उछान ब्रौठ पांडल
त समन्दर पकान बीठूस कल
गवरा हठ गस सपुद हैरान । रु...
- 10 ब्रौठ कुन पकनस छुन बहरान
जंग छुस हंग मंग पूर नटान
भुवानी आस ब्रौठ कुन खुश पाठि पकान । रु...
- 11 भुवानि कोरनस दूरे इशारय
पख ब्रौठ छूय अगर तरून तारय
हीरा नन्द खूच घर गव चलान । रु...
- 12 कर्म हीन युस आसि क्याह बनि तस
माता छि कृपा च्यानी बस
कर दया दिलभरस छूय परेशान । रु...

लीला नं० 10

ही माता करतू सोन पाय लोलो

प्रकरम करिथ मुवानी यलि आय लो लो
छुय च्य प्रणाम सोन जाय जाय लो लो । प्र...

1 हीरा नन्द सफुरा माझि नोव जाव

वाछि दरवाज किन्य घर वापस आव
घर वातीथ छुस उथान राय लोलो । रु...

2 मुवानि दोपनस ही पती महाराज बोज

छममि विनती छुप दप करिथय रोज
शोर लागन छुक बे वाय लोलो । प्र...

3 कांसि मसा वन सपदोचिय कल्याण

मनि कामना चेय बनी वारथव ध्यान
मुक्ती लबख परव चू म्यानि राय लोलो । प्र...

4 बुद्धि हीन हीरानन्द ओस बे शोर

माजि निश सीर बोवुन ओसना सू चोर
बे होश गव प्यव तथि जाय लोलो । प्र...

5 माजि दो पनस पुत्रो क्याह चि उनथम

हिस डोल खो सहलाब मा मे ओनथम
खबरि आयस लूमसाय बायि लोलो । प्र...

- 6 हीरानन्दस हिंस होश यलि फेरान
साडि बहि वहरि मुवानि घरि छय नेरान
लोगन पत्ता गयि कथ जायि लोलो । प्र .
- 7 लोल भक्ति जाय जाय छिस छांडान
अफसूस खयवान तिम आसि पान भारान
वलि मृत्य आसि तिम बजि माय लोलो । प्र ..
- 8 माजि गारन वाती लार तय दार
खून हारान नेत्रव छिय वनान जार
वानि दितिहय तिमव च्ये जाय जाय लोलो । प्र...
- 9 हीमाता छक करान पापन चू सूर
दित दशुन मतः त्रावतम मिति दूर
बेह तू दिलभरस चू हृदयि चि जाय लोलो । प्र...

लीला न० 11

अघोर तपस्या

होल गोम जिगरस दूरि र च्याने

रूप भुवाने छु म्योन प्रणाम

माता गोड वो दिमय अशि वाने ।

ह...

1 शहर दूर जंगल मंज च्योनूय पय आव

चशमै साहिबी यय वनान नाव

वस्तूर वन जंगुल मूख क्या जाने ।

ह...

2 दय नाव सुरनि लजि जंगलस मंज

तफ जफ कर नक लोगुन संज

दूरि वोठ चूरि निश कबल तै क्राने ।

ह...

3 आखूर पय लोग स्यठा लूख द्राये

दशुन भुवानि होन्द करनि आये

लोल पोस लागि हस कमि श्रोचि श्राने ।

ह...

4 दूरि प्यठ लूकव ह्योत गछुन तोर

तीर्थ यात्रा लजि करवगयि चुपोर

नावान तन आस तति श्रुद्ध वाने ।

ह...

5 बाहन वरीयन शन त्रटतन तफ कोरनय

पोर नय गरिगरि जय महादीव

भक्तितन लगदितून अमृत वाने ।

ह...

6 मुवानि हिच छयफ तति कस आस राय
छन खबर माजि सानि रःट कति जाय
भक्तिव कःरि विलाप क्याह ओस लाने । रु...

7 वन्य दिति लूकव तति हर शाये
बीठ मूच माज्य सान्य छै कथ जाये
शुद्ध जल कुण्ड रुद तति कृपायि ज्याने । रु...

8 वोन्द हामि दिल भरस मनि कास दूय
यिन गछन निशि मोकलावतन सुय
आशा वानन मन युध न हाने । रु ..

लीला नं० 12

मनिगाम लारि कुल्य प्यठ कर जान
दीवी उछतन छय सनिदान
अर्पण कर तस मन तै प्राण । दीवी...

1 केंह वर्णन वो करः याव वार कन
चश्म साहिबी प्यठ वाच उत्तशन
नाग चश्मा तति शुभाय मान । दीवी...

2 लीन आस गामूच तपसूय मंज
आस करान भक्तिन मुक लनूक संज
भाल किस गारस मंज गुपिथ पान । दीवी

- 3 मनि गामुक डूम्ब गावन रछान
सु गुपन ब्योल ह्यथ तोत ओस गछान
दुधदार गाव छस मंज रावान । दीवी...
- 4 डूम्बस गामूम्य निय दिवान भार
गाव चावान छिहन छुख चू आवदार
दोह पत दोह छुख करान नुखसान । दीवी...
- 5 डूम्बस मारि मारि बडिजि फुचरियस
गाव पत पत रुद पुर उछनस
भटन्या अरव उछून गाव च्यावान । दीवी...
- 6 डूम्ब त्रह्यावि उछिय वापस द्राव
मनिगाम नम्बर दारस बननि आव
गुफि निश गाव उछिम जनि दुध दिवान । दीवी ...
- 7 लाल चन्द नामी सु आत्मा राम
मटि तस ओसूय सोस्य मनि गाम
ब्योन ब्योन नाव वनान हिन्दि मुसलमान । दीवी...
- 8 नम्बरदार माजि हज्ज भक्ती करान
बूज तमि तःमि वक्त ती ओस सुरान
वननि लोग डूंबस म्य सूत्य पख दवान । दीवी ..
- 9 मुछि वटि थूय यलि द्राव गरव दम
माजि प्यव पर न माजि थोदमे तुलतम
यच् कालूच्य मिति कास तम हान । दीवी

- 10 उथिमाजि घर म्योन बोतम जार
तमि दोपुस म्यानि यिन च्ये पियी भार
मार चाल सोरुय वदय जुवत ज्ञान । दीवी...
- 11 दोपनस पख नेर शेर तिलि जाय
लोल मत्तयो मिति छै चानि भाय
आत्मा राम खोश क्या छु सपदान । रु ..
- 12 भगवती बेह नावून कुठिस मंज
गरीब गव नबरदार तम मुच्योव कंज
दाश न दाश सोरुय तस छू मुकलान । दीवी...
- 13 माजि हजि परीक्षयि तल यलि द्राव
माजि हुन्द प्रेम तस ओस कनयाव
लाचर गच्छिथ तोति छुन व्यसरान । दीवी...
- 14 दास भावस मंज छु वोन्द हामि च्योन
कठिने भवसर जार बोज म्योन
नाव म्योन दिलबर छम च्यानि शान । दीवी...
- उछ तन छय सन्नि दान ।
-

लीला न० 13

आश असि च्यानी

रूप भुवानी रूप भवानी

दित परि ज्ञानी ।

रूप...

1 छख दया सागर

छुस मंगान अख वर

स्यद करम्य वाणी ।

रूप ..

2 लुकटू चू द्रायरव

जंगल चायख जंगलन चायख

शारिका चू सानी ।

रूप...

3 संसार च्य त्रावुथ

थजकला प्रावूछ थजकला प्रावूथ

वनेयरव चू ज्ञानी ।

रूप...

4 युस मजि मन सूत्य

करि चानि कीर्तन करि चानि कीर्तन

सूय छु मुक लानी ।

रूप ..

5 कोमल छु दिल च्योन

दूर कर दुःख सोन दूर कर दुःख सोन

रूप...

6 अस्य छिन्ना च्यानि शूर्य
कास असि कर्म खुरि, कास असि कर्म खुरि
दूर कर हानि रूप...

7 क्याजि छक त्रावान
दूरिर पावान, दूरिर पावान
दस अस्य छि चानी । रूप...

8 खुरिर छा रोशान
पन छब चू तोषान, पान छब चू तोषान
कर मेहर बानी । रूप...

9 दिलवर छूप शुर
कासतस कर्म खुर, कासतस कर्म खुर
माता च सानी । रूप...
रूपभवानी, रूपभवानी ।

लीला न० 14

मायावी संसार में

सीना भुवनि ओस करान सुबशाम

भाग्य वान क्याह ओस आत्मा राम

सर तलि मुन बन्याव भासीय त्राम ।

भाग्य

1 हुपनस भुवानि अन्न जू चोर दा त्रख

थावा मचि मंज यिन कॅह करख कख

यूत कडख त्यूत वनि छ्यन अथ तमाम ।

भाग्य...

2 दोपनस सीरस यिन करख फाश

अथ कथि कांसि निश कडिजिन वाश

गछ बेह पानस कर चू रामः राम ।

भाग्य ..

3 आत्मा राम दिवान दानि खारि खारि

द्राग ओस उथमुम तमि वक्त चोपारि

युस मंगान तस दिवान सुव ता शाम ।

भाग्य...

4 तोति छन मचि मंज दानि मुकलान

आत्मा राम स बन्याव कूत मान

हनि हनि वनि आव पूरः मनिगम ।

भाग्य...

5 आत्मा राम गव स्पठा हैरान

छुस वनान माता वन्दय जुव त जान

दुशंशा दूर करथम च्य तमाम ।

भाग्य..

- 6 लुकव ह्योत इयुन जोक दर जोक
 अन निवान सरिय कसय नस रोक
 धाँ मचि तोति असन हरान हाम । भाग्य...
- 7 भवानी असिय मानान ह्यन्द मुसलमा
 सारिन्य प्यठ मज्य अस मेहरबान
 तस शरण ईवान ओस खास तय आम । भाग्य...
- 8 मंजु गव केह समय अनि तिमव नोश
 तमि नोशि ओनुनय तथ घरस फश
 सीरस वकफ कोरनय गाम । भाग्य...
- 9 वोन्द हमि दिलबरस दित मज्य होश
 लोल सान लागि ही भाव पम्पोश
 दर्शन पूछिय उदस्य बे आराम ।
 भाग्यवान क्याह ओस आत्माराम ।
-

लीला न० 15

पनन्यन भखत्यन करना छख च पाये

वोत कुस त वाति कुस चानि मायाये
प्रणाम स्योन असि नय जाय-जाये ।

वोत...

1 तस सअत्य भवानी वदअ कोरमुत छु इय
आत्मारामन तिय मोनमुत छुय
इ यमि दोह भवानी तमि सुन्द घर चाये ।

वोत...

2 व यिमय घर चोन गछख परेशान
यथ जायि बेह तति छस न नेरान
आत्मारामन भोर न परवाये ।

वोत...

3 नेरून ओ सुस कोरनय तलाश
नोशि यलि कोरनख सीरस फाश
तमि जायि नेरनुक कोरून ओपाये ।

तोत...

4 नार गव पदअ अगनन कोर जोर
अन्दि पकिय लूकव तुल स्यठा शोर
आत्मारामस दज लरअ त जाये ।

वोत ..

5 आत्मारामस यिहोय अरमान
सीरुय योद दज्यम लरि जाय सान
अन्दर छम भवानिय सो नेरयम कमि त्राये ।

वोत...

- 6 तिय मा जोनुन अगन करि क्याह तमिस
 दीवी स्वरूप भवानिय वनान मा अमिस
 वतिथ मा छिय मज्य हर कुन्य शाये । वोत ...
- 7 यिथअ तिथअ दज्जवन्य नार मन्जि चाव
 त . जारिय करनस भवानी ह्यथ द्राव
 तमिय मान्योनस न नेरून अमि जाये । वोत ...
- 8 न्यवर नीरिथ मकानस बुछान पूर
 न छु कुन्य नार तय न छु कुन्य सूर
 वारकार लरअ त जाय वय हमसाये । वोत...
- 9 लूख गय शशि धर सपदि हरान
 रूप भवानी लगि वन्दनि जूव त जान
 अलनअतय वलनअ आय लूख लोल माये । वोत...
- 10 दित मज्य दिलबरस असलुक ह्यस
 मन चि कामना पूर करतस
 सथ छस वानि करूस बोपाये ।
 वोत कुस त वाति कुस चानि मायाये ।
-

लीला न० 16

तार दिन वल्य दि योत तार

नारस वन्यव गुलजार

सेयद गय दोस त देवार ।

नारस...

1 मनि गाम मन्जय छि कौल जान

सी वुछिय छु मन लूभान

छट मारान आवशार ।

नारस...

2 यथ लरअ कौल छि वनान

वस वन्य छे ग्राय मारान

यावुन तमियुक छु जेठ हार ।

नारस...

3 भवानी रोड यिहोय कोल बोठ

पान तमि तथ मन्ज खोटअ

कुटिया वनवुन तैयार ।

नारस...

4 आश्रम बनोवुन सौन्दर

तप जप कोरुन तथ अन्दर

भखत्यन कोरनय उदार ।

नारस...

5 अढ दज वछ बोनि हट

कोलिय मन्ज भावनि पान रट

वअवनय त बूनिय गय तैयार ।

नारस

6 भवानि रोवनुक सन्ज कोर

अढ दोअद कोरनस हयोर

कियूच काल कोरुन इन्तिजार ।

नारस...

7 वोनिय द्राय सार सञ्ज लंग

माता कम छि च्यनि रंग

वुनियसोअ बूनिय छय नमूधार ।

नारस...

8 छय पछ गछ मनि गाम

कुटिया त बूनिय वुछ तमाम

दिल कुय लबख चयि करार ।

नारस...

9 दिलबरो दियु च फरियाद

रट मनस माजि इहयन्द पाद

सुल छय त बनदिल हुशियार

नारस बन्यव गुलजार ।

लीला न० 17

मनि गाम बनोवनय जन स्वर्गदार

रूप भवानि दियअ भवसर तार

माता सारिच्य छय मुखतार

रूप भवानि दियअ भवसरस तार । रूप...

1 मनि गाम प्यठ वासकुर अस गछान

लारि कोल्य मन्जय खिरस्थ प्यठवसान

खियुर ओस घासुक स्यठा शूभिदार ।

रूप .

2 भवान्य लोग दोह यिन गछनुक सन्ज

गामा अख यिवान ओस वति मन्ज

मशूर यथ वनान छिय कस्ब लार ।

रूप...

3 अति ओस फकीरा शाह कलन्दर

खोदा दोस्त बा पीर बोज मोखतसर

तमि संदयव चेहलव वुछ चमेत्कार ।

रूप...

4 भटन्या अख वुछिख स्यठा शादमान

घासविस खियरिस प्यठ कोल्य मंजि वसान

शाह सादिकस गय वनिहस जार ।

रूप .

5 शाह सअवन बूज सपुद हरान

ढअन छा यि इन्सान क्याह छिव वनान

बूजिय छम वोथान दिलस्य म्य थार ।

रूप...

- 6 दोपनख आब प्यठ पक्याह इन्सान
चंगिज प्यठ बिहिथ यि छू तुफान
ब वछन पानय छु कमिसुन्द कार । रूप ..
- 7 कोलअ बठिस्य प्यठ कोरून इन्तिजार
भवान्य अस यिवान खियरस्य प्यठ सवार
पुरनूर वुछिन पकान कोरून दीदार । रूप...
- 8 हरथ आस प्रछुनस क्याह च्य नाव
तमि दोपुस रूफ म्य नाव वार याद थाव
यथ जाय नाव छि वनान वोत लार । रूप ..
- 9 दोपनस तर यपोर सौन ब करथ
भवान्य दोपुस तर च योर मोखत करथ
मोखतस माने छिय बेशुमार । रूप...
- 10 हरान शाह कलन्दर स्यठा गव
युथ ज्ञान भट कोरि कति वोपद्य
कोताह थोद छु अमिसुन्द गुप्तार । रूप...
- 11 बय कोरनस सवाल क्याहयि चान रंग
तथ माने स्यठा त वारिया भंग
दोपनस कोसअ वथ करंथ इखतियार । रूप...
- 12 भवान्य योर दितुनस उत्तर भाहिसाब
जाग सु रठ म जेठ छुय अथ जवाब
अथ कथि छु अर्थ स्यठा शूभिदार । रूप...

- 13 जागि रोज तमिस्य युस दिय तार
 सुय रटुन मनस मन्ज रोज बा हुशार
 जियूठ छुख गछान दौदस कंडिमो चार । रूप..
- 14 वोन्दहामि दिलबरो च मो गछ गीर
 होश थाव भाव माज्य पननिय सीर
 नेर तस पत योस छ सारि चिय सार
 रूप भवान्य दिय भवरस तार ।

लीला नं० 18

- शाह कलन्दर सपुद स्यठा शादमान
 मुवानि आस पर तू पान कुनूय जानान मु...
- अकुय ओस तमिस निश हिन्दू मुस्लमान ।
- 1 शहान दोप देवी हाव केह कमाल
 आसय शरन छख चू बे जवाल
 रुति गुण उछमय शोभाय मान । मु...
- 2 मुवानि दोपुस अछबन्द करिथूय रोज
 शाह साब उनमय कन दिथ बोज
 अय छा लागून्य दसील तय छान । मु...
- 3 अछियलय बन्ध करि न उछनय सीर
 सफेद गुर्यस प्यठ खसीत पीरि दसगीर
 पनून पान उछन गुरिस ब्रोंठ ब्रोंठ दनाव । मु...

4 दोयमि तरफू उछनय परंदा पकान
 शिव पार्वती अय मज छि सन्निदान
 भुवानि कुछ मंज रटीय गिंदान तै गुंदान । मु...

5 परन्द पकनावान पांच महा भूत
 सुन सूत्य जरिथूय खालि न अख सूत
 हत तू खूरि तमि किय आत्य चम कान । मु...

6 भुवानि दो पुस मुचर अछि ऐ कलन्दर
 वन कांह खबरा च्य कया कर
 गयिडनस गुत्य चुलूम दिलूक अरमान । मु

7 दोपनस वाकय चू साहिबे कमाल
 दीदर सूत्य बन्योस माला माल । मु...
 ज्ञानियन मंज छख चू थाज ज्ञानवान ।

8 दुनिहि लूख क्याह यि ज्ञानन कथ
 रटमूच मुत्रानि माछि असलूचि वथ
 रोज हख यति वुन्य तीगयाव जान । मु ..

9 दोपनस भुवानि युन गछून म्ये बार बार
 कूछ काल यति आसय करान करान
 मु ..

10 यि वनिथ अति प्यठ मुवानि त्राव रव
 वुन्द होम कुन त्रावून पर तव
 लार आश्रम मुवानि हुन्दति आसान । मु

11 वुन्दहामि दिलबर रटि थूय पाद
 अलख ईश्वरी कर मन म्योन शाद
 पानचिय कन्दहय दिममि निर्वाण । मु ..

मुवानि आस परत पान कुनूय जानान ।

लीला नं० 19

अन्वे की आंखों में प्रकाश

रस रस वास कुरि त्रौषथ चे आसन

सन्मुख भासान चू छख माता

अनुग्रह कर प्यठ अनाथ तू दासन

सन्मुख भासान चू छख माता ।

1 अहवाल च्योनूय यन गोम गोशन

तन छुस बो तोषन चू छख औतार

साकर निराकार तै निर्वासन ।

सन्मु ..

2 लार नीरिथ उन्द हामि थख दितथम्

ह्योत थं ब्रोन्ढकुन दियोन चि परतव

प्रकाश च्योन प्यव आमन तू खासन ।

सन्मु ..

3 वासकुर वातिथ बीठूख करारस

भोनि शहजारस रटथं च्ये जाय

आय बूजिय शरण शुमार क्या छुसासन ।

सन्मु ..

4 आई त्रिया अख जाच किन्य मुस्लमान

चिय निश हिय नैत्र ह्यून संतान

वदनि लज्य गयस पीरन तू सनियासन ।

सन्मु ..

- 5 करतम दया वोन्य दुःख छुम सन्योमुत
नेत्र ह्यून बन्यो मुत म्य कुन सन्सान
गाश अनतस जगि खुर छख चू कासन । सन्मु ..
- 6 सन्तुष्ट सपदिय दोपयस खन क्रूर
पोन्य यलि वुजि तथ गल्ली दुखदूर
क्रूर खोन तम्य तन दिचून अयासन । सन्मु ..
- 7 पानि ग्रट यलि गय तति जारी
सारी करनि लग्य माजि कुन प्रणाम
गाश आव अनिस युथ अरिन गाश आसन । सन्मु ..
- 8 ऋख गयि सारी सूय नगरन तू गामन
दामान रटनि आव अद च्योन बोय
बालदर थोवनय करनि चिय उपासन । सन्मु ..
- 9 करनि लोग जारी ई छुम म्ये अरमान
बालदर अनपढ रूद म्ये सन्तान
ब पुत्र च्योनूय गुन्य कर्या धासन । सन्मु ..
- 10 उनथस कोता छुख चूय अनजान
बाल छुन मूर्ख यि छु गुणवान
दोपथस तुल कलम तू लेख दरखासन । सन्मु ..
- 11 नोकरी बापत दरखस दिलि सोज
वाती हुकुम चटपट खोश रोज
केंचि दोहि पत प्रोव बालन संगसन । सन्मु...

12 गव दिलि मंज वोत राज दर बास
तस अहंकारस सूति गयि काम
ल्यूखनय प्रथ कुनि थोद द्रास पासन । सन्मु...

13 मातायि बूजिथ असुन आव पानस
यिथिस नादानस ति गव अहंकार
गछि यस अहंकार तसछू दय ठासन । सन्मु...

14 दिलभर हृदयस मंज बेहना वी
वयरुन त्राविय मन तै प्राण
वया शूभ किखाव न तू आत लासन । सन्मु...

सन्मुख भासन छख चू माता ।

लीला न० 20

निथ भासतं म्य चुवा पारी

अलक्षी श्वरी बोज विल ज़ारी

पादि कमलन लगै पारि पारि

अलक्षी श्वरी बोज विल ज़ारी ।

1 छख चूर छान सिदिन त साधन

कन थाव माज्य म्यानिन नादन

मुचराव तम भररिनन तारी ।

अल...

2 यिमन ज़ायन तफ करुथ बरूपूर

चस्म एहिबी मनिगाम तू वास कूर

लार उन्दहामि शरण आय सारी ।

अल...

3 साडि वहि वहरि द्रायख प्रथ जाये

आरतिन करुथ मुकलन पाये

वूर कर थक सखती तू खारी ।

अल...

4 वासकुरि प्यठ अनि हख दिदमर

यति जन आस्य च्यानि मालिन्य दर

पोश लागि है च्ययि चारि चारि ।

अल

5 उपासक बनेय हिन्दि तै मुसलमान

रात तू दोह आस्य च्यानी गुण ग्यवान

शादमान आस्य नर तै नारी ।

अल...

- 6 अमृत कुण्ड बनो वूथ तति जान
यसि सूत्य खुश गछान मन तै प्राण
दर्शन पूचि यिवान तोर सारी । अल...
- 7 जलकुय कुण्ड दिदमर अन्दर
यति छुय शूभवून चोन मन्दर
तति सारिनूय छि बनान यारी । अल ..
- 8 दास दासी वातान रोज रोज
भक्तिभाव छुख माजि हुंद पुज बोज
भुक्ति मंगान मुख दारि दारी । अल...
- 9 भाव पोष हिथ वोतुय दिलबर
ही माता भारतिन दया कर
नेत्र हीनन ब्यतियिम छि चारी । अल...

लीला न० 21

अन्तर्ध्यान लीला

लूख आय अन्दि पक्षि दोरान दवान

रूप भुवान्य गये अन्तर्ध्यान

प्रथ कांह मिलथ अछिवखून हारान

रूप भुवान्य गये अन्तर्ध्यान ।

1 सन्न सदाशय सत् सतथ ओस ब्रिक्रमी

त्यथ माघ गट पछ ब्यय सप्तमी

अमी दुह देवी खोट नय पाय ।

रूप...

2 आत्मा म्यूल परम आत्महास सूत्य

लूख आय बेशूमार क्याह वनै कूत्य

बच कच लूकि बडि कोताह वदान ।

रूप ..

3 नगरसं तू गामन वोथ स्यठा शोर

दास तै दासी करा ओर: योर:

माघव दरुन घर तिम छि वातान ।

रूप...

4 हिन्दिन्तू मुसलिमन वोथस्यठा न्याय

कैह दपान दफन करोन यिछि सानी राय

कैह दाह संस्कारुच्य कथ करान ।

रूप ..

5 तिमव मंज्र नजर अकि त्राव उछुन नोन

भुवानि आस असान ब्ययि उथान बुन कुन

दरी चस प्यठ वोहिय शूभाय मान ।

रूप...

- 6 लोकन कुन दुवून वुछ तोन भुवान्य
यि वुछान मूर्खता सारू छि सान्य
आश्चर ख्यथ शर्मन्द छि सपदान । रूप...
- 7 पनन्यन घरन तिम गैय सारी
पथ रूदि तति केह नर तू नारी
यिम जन भुवानि हंज आरती तुलान । रूप...
- 8 नूर बाग यलि वात्य अफ सूस ख्यवान
ओर ओस वास कुर्युक नंदर दारयिवान
दुप नख कोत गछिव यि कुहुन्द विमान । रूप...
- 9 दोप हस भुवान्य हंज यि अर्थी छय
क्याह वनोय खूनस छि लज्जि मूच रेथ
शुम शान बल सोय ह्यथ छि तरान । रूप ..
- 10 नम्बर दारन दंदन तल रट ज्यव
उन्य आस वति पकान भ्यति वनि तव
कथ कर्यन म्य सूत्य उछुम वास कुरगछान । रूप...
- 11 अर्थी शानव प्यठ वाजि है
दीह न कुनि केश कंटोप उछ हय
जोर जोर जय कार आसिय करान । रूप...
- 12 आश्चर ख्यम तिमव उछ है याम
केश कंटोप न्यूख वासकुर गाम
ख्युर केश कंटोप थवुख भा शान । रूप...

13 केश कंटोप मन्दिरस मंज रूद
यिम चीज वासकुरि उन्य छा बूद
लूख तमि कुर्य अजति दशुन करान । रूप ..

14 जन्म दोह माजि हुन्द छा मनावान
खीर कन्द लोल सान क्या छि बगरान
जेठ पूर्णिमा यि दोह छूय आसान । रूप ..

15 अमि सून्दि ठाठि भक्ति श्रधाय सान
माघ घटपछ सतम हुम यज्ञ करान
तमि दोह दिदमर क्याह छु चमकान । रूप...

16 काम्बूरि सतम वास कुरि मनावान
होम यज्ञ तमि दोह तति करान जान
लूखयिवान सास बदि प्रसन्न छि सपदान । रूप ..

17 वुन्द हामि दिलभरो म बन गम गीन
भुवानि हंजि स्मरनि सूत्य रोज लीन
भखचन हार छि माजि पुशरुसपान ।

रूप भुवानि गय अन्तर्ध्यान ।

ओं शम् ।

यमि कितबि हृन्द सोख्य हकूक
(अधिकार) छु लेखन वाल्य सूनदि नाव महफूज ।



लेखन बोल :—

श्री नील कंठ भट्ट दिलबर वोन्दहा

शोध :—

श्री सर्वानन्द जाडू शास्त्री

तेदाद = 1000 = 21 लीलाएं

मिलने का पत्ता :—

1. काश्मीरी पण्डित सभा, अम्ब फला, जम्मू ।
 2. ज्योतिषी प्रेम नाथ शास्त्री, कार्यालय तालाब तिलो, जम्मू ।
- छापनुक तारीख : सितम्बर 1992

कीमत : 5 रुपये

मुद्रक—जण्डियाल प्रिंटिंग प्रेस, जम्मू ।